

Lasri Brahim Amazigh

ijawwan n tayri

ungal s tmaziyt

Publication de l'association Imal.Marrakech

Ayyur 2

Trya tafukt, irwas is d taz̄ akal, iswak n Ugadir zwan, ar d it̄şud kra n wađu ibbr̄br̄n y m̄nid n udrar. Mddn laḥ-tn, kuyan d mani y ar nn ittlli s uzuzwu, kra yufat y tgm̄mi, kra yufat y tayart... Dda Muḥ ithi-d talmqrajt-ns ad iṭṭuda y nnig n ṭṭrutwar, waxxa yas iḡrs kra yazut. Imik had yat thunḍat tumlilt tugr-tt taqurt-ns.

- Bdd za ad nsaqsa ayanim-ad awr imil issn mani y illa.

Tgg^wz-d yat tfruxt zund ayyur, aḍu ihiyfn yull-as tawnza-ns, bbaqqin-d kraḍ n isura n tidi (l̄erg) y ignzi-ns. Ssrwal n djin-lli tlsa ur ifl i tfiyyi-ns mani y ar tsunfus. Kraḍt tjrrayyin lli ur iqqnn ar d-ssagg^want ardadn n tdm̄arin-ns. Tk^wna-nn s Dda Muḥ, tini-yas :

- Surf-yyi a g^wma, ad k-saqsaḡ, mani yid y izdy yan uctuk, ar as-ttinin İzil ?

Turawt n waman lli-d iffı Dda Muḥ ad si-s issird imzgan ur issn aylliḡ as tffi. Zund iy t inn tssumm tyarast-lli illan y ddaw-as n tjrrayyin, alln-ns ggammint ad ngirint d ifri-ann.

- Ah ! Mad tnnit ? İzil ? Actuk ?... Sduqqr tigm̄mi ann tawrayt, iy nn tzrit agjdi ann n trisinti.

Tizi-lli y as tnna tanmirt, ismun alln-ns d

imudal n djjin-lli yas-d-tfl y igaran. Izra-t-id bu hunda y tisit (talmrit), tamzt taḍsa.

- Ha ! Ha ! Wa Dda Lḥaj yar emmr-d talmqrajt yaḍnin, imma lhiyf irza-yak luḍu.

- Awa kiyyin, inzzh rbbi y tgldit-ns.

Mk-ad as as-irur Dda Muḥ, lliy iskr amarc, tkks-nn Thundat imik, tbdd.

- Irwas is d tad as am inna ufqqir ann.

- Iyyih irwas is d yid ad iga lḥal.

- Ad nn taft yayann ifl nn awḍiḍ n warrawn y tmazirt, irzm yid i uladda.

- Awa kmmin iy irya lḥal ar ittigut irifi.

Nttan nit, iffrtl-as luḍu, zy lliy ḥra dar-s tssuda ad ukan iswingim y mamnk as rad stt-inn-ikcm, mamnk as rad sis iskr aḡaras yan s talbrtuct-lli ik^wra yar i man anaw n izmaz-ann... Ntta nit tsmḍ-as tiryi i tayyaḍ, sgrawln-t ijujjutn-lli istaran tahundat-ns. Tgg^wiz-d, tskr aḡaras yan s taggurt.

- Qql s-i imik y-id ha yyi urriy-nn.

Tsduqqr taggurt s imik, ur as innurzm yan. Tuls i usduqqr, ur sul tsmun afus-ns ad ig tukkimt, tawalt-ad tnnurzm afus-ns zund iy rad tut kra n tallunt... Tqql imik had yan ufrux n tuzzumt ar d ittzi urta d ilkm.

- Mad iga ixnan ad-isduqqurn s unck-ad ?

Tizi lliy as-innurzm, ifss, ibbi-nn gis unfus, ibbi-nn gis wawal.